



*ODLUKA  
O PODIZANJU SPOMEN OBILJEŽJA „ODRED LASTA“  
(prijedlog)*

*Predlagač:  
Komisija za spomenike  
Gradskog vijeća Grada Sarajeva*

*Obrađivač:  
Gradska služba za urbano planiranje,  
investicijske, stambene i komunalne poslove*

*Sarajevo, juni 2018. godine*

Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj: 34/08 – prečišćeni tekst) i člana 7. Odluke o spomenicima od značaja za Grad Sarajevo („Službene novine Kantona Sarajevo“, broj: 12/11 i 21/16) Gradsko vijeće Grada Sarajeva, na sjednici održanoj \_\_\_\_\_, donijelo je

(prijedlog)

**ODLUKU**  
**O PODIZANJU SPOMEN OBILJEŽJA „ODRED LASTA“**

**Član 1.**

Podiže se Spomen obilježje „Odred Lasta“ (u daljem tekstu: Spomen obilježje), kao Spomen obilježje od značaja za Grad Sarajevo.

**Član 2.**

Spomen obilježje se podiže na parkovskoj površini na uglu ulice Patriotska liga i Bolnička, a prema idejnom rješenju koji je sastavni dio podnesene inicijative.

**Član 3.**

Podnosilac inicijative za postavljanje Spomen obilježja je „Udruženje veterana odreda policije za specijalne namjene Lasta“.

Podnosilac inicijative će preduzeti sve aktivnosti na pribavljanju potrebnih saglasnosti i odobrenja za podizanje Spomen obilježja.

**Član 4.**

Finansiranje postavljanja Spomen obilježja vrši Podnosilac inicijative.

**Član 5.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:  
Sarajevo,

Predsjedavajući Gradskog vijeća

Dr. Igor Gavrić

## **O b r a z l o ž e n j e:**

### **PRAVNI OSNOV:**

Pravni osnov za donošenje ove odluke sadržan je u odredbama član 26. stav (1) tačka 2) Statuta Grada Sarajeva („Službene novine Kantona Sarajevo“, broj: 34/08- prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 7. Odluke o spomenicima od značaja za Grad Sarajevo („Službene novine Kantona Sarajevo“, broj: 12/11 i 21/16) kojim je propisano da odluku o podizanju spomenika od značaja za Grad Sarajevo donosi Gradsko vijeće Grada Sarajeva. Istim članom su propisani i elementi odluke.

### **RAZLOZI DONOŠENJA:**

„Udruženje veterana odreda policije za specijalne namjene Lasta“ podnijelo je inicijativu za podizanje Spomen obilježja „Odred Lasta“.

Predložena lokacija za podizanje Spomen obilježja se nalazi na parkovskoj površini na uglu ulica Patriotske lige i Bolnička odnosno prostor ispred Građevinskog fakulteta Univerziteta u Sarajevu i Arhitektonskog fakulteta Univerziteta u Sarajevu.

Obzirom na činjenicu da predmetna lokacija nije predviđena Elaboratom o mogućim lokacijama za postavljanje spomenika, spomen-obilježja i spomen-ploča na području grada Sarajeva a koji su od interesa za Grad Sarajevo, zatraženo je mišljenje Zavoda za planiranje razvoja Kantona Sarajevo kao nosioca izrade Elaborata koji je dao odobrenje za postavljanje Spomen-obilježja na tu lokaciju.

Također, na zahtjev Komisije za spomenike Gradskog vijeća Grada Sarajeva, pribavljena je i saglasnost Upravnog odbora Univerziteta u Sarajevu kao vlasnika zemljišta na kojem se podiže Spomen obilježje.

Komisija za spomenike je, postupaju u skladu sa Odlukom o podizanju spomenika od značaja za Grad Sarajevo, nakon razmatranja Inicijative, donijela odluku da je spomenik od značaja za Grad Sarajevo i predložila Gradskom vijeću Grada Sarajeva donošenje ove Odluke.

### **FINANSIJSKA SREDSTVA:**

Za realizaciju ove Odluke nije potrebno predvidjeti sredstva u Budžetu Grada Sarajeva.